

PIIRATUSÕVABRIK

Tsooru kandi jutt, kirja pandunuq Vaaba Janek

Mõisan oll' piiratusõvabrik ja säääl oll' üts halv asi ka juhtunuq. Säääl oll' prääga hapanuq. Tuu tüüline, kiä säääl oll', oll' jättünüq ussõ vallalõ. A säääl olliq määndsegiq hobõsõq ka mõisan olnu ja tuu hopõn säääl kolkunuq üüse ja lännüq ja tuud prääga joonuq. Hummugu kaetu – hopõn kooluq.

Noh, nilgma aetu, kiä säääl lähembän. Puul' hobõst oll' saanuq ärq nilutus ja hopõn oll' üles karanuq. Tä oll' lännüq joostõn mõisa poolõq, nahk ribanuq, inemiseq olliq rüükünü säääl tuud eläjät. Tä oll' purjun tuu präägagaq – jahuvärk, hopõn taht tuud ja tä jei tedä nipall'u ku tä tahtsõ. Ja sis es olõq midägi tetäq, oll' paruni manuq mintü, oll' püss antu ja lastu püssäga mahaq.